



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka, („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **BH SLOBODNIH DEMOKRATA**

Broj: 03-07-6-368/08  
Sarajevo, 24. februar 2009. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	5

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja BH Slobodnih Demokrata za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. BH Slobodni Demokrati su prekršili odredbe člana 11. stav (4) Zakona o finansiranju političkih stranaka, jer nisu dostavili dodatnu dokumentaciju koja je od stranke tražena.**

**Na osnovu našeg pregleda, odnosno kontrole finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja BH Slobodnih Demokrata za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BH Slobodni Demokrati su iskazali prihode u iznosu od 3,87 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	3,87	100,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
8	Ostali prihodi	0,00	0,00 %
	<b>Ukupni prihodi:</b>	<b>3,87</b>	<b>100,00%</b>

U godišnjem finansijskom izvještaju BH Slobodni demokrati su iskazali ukupne rashode u iznosu 7,00 KM.

## 2. PREDSTAVLJANJE POLITIČKE STRANKE

Naziv političke stranke: BH Slobodni Demokrati. Skraćeni naziv stranke je BHSD.

Politička stranka je registrovana 25.07.2005. godine kod Općinskog suda Tuzla pod brojem R-I-1/05.

Sjedište političke stranke je u Tuzli, ulica Filipa Kljajića 22.

Za zastupanje stranke u 2007. godini bili su ovlaštteni Sead Avdić, predsjednik stranke, Nikola Tomić, podpredsjednik, Mirela Moranjačković, podpredsjednica i Lejla Durmišević, sekretar stranke.

Osoba ovlaštena za podnošenje finansijskih izvještaja za 2007. godinu je Lejla Durmišević .

Organizacionu strukturu BHSD, prema podacima iz finansijskog izvještaja, čini Glavni odbor stranke.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj BH Slobodnih Demokrata za 2007. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li su BH Slobodni demokrati u izvještajnom periodu postupali u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja BH Slobodnih Demokrata obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Nisu vršene prethodne kontrole i revizije.

### 5. NALAZI I PREPORUKE

#### 5.1. NALAZI

**Na osnovu obavljenog pregleda finansijskog izvještaja utvrđeno je da su BH Slobodni Demokrati prekršili odredbe člana 11. stav (4) Zakona o finansiranju političkih stranaka.<sup>1</sup>**

Stranka je prekršila odredbe člana 11. stav (4) Zakona o finansiranju političkih stranaka jer na zahtjev Centralne izborne komisije BiH nije dostavila dodatnu dokumentaciju koja je od nje zatražena.

#### 5.2. PREPORUKE

***Preporučuje se BH Slobodnim Demokratima da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje***

- ***da postupa u skladu sa odredbama člana 11. stav (4) Zakona o finansiranju političkih stranaka.***

#### **KOMENTAR:**

U ostavljenom roku, BH Slobodni demokrati se nisu očitovali na Preliminarni izvještaj o pregledu godišnjih finansijskih izvještaja za 2007. godinu.

Mr. Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora

---

<sup>1</sup> Članom 11. stav (4) Zakona o finansiranju političkih stranaka propisano je da sva lica koja su obavezna da podnesu izvještaj, moraju podnijeti i dodatne izvještaje koje zatraži Centralna izborna komisija BiH.